

## الله يسمح لكم



كنت عاوز أقول لكم  
الله يسمح لكم  
تقبله على لساني  
و قلبي شايل منكم  
لسه فاكر لكم كل اللي  
عملتوه وقسوة قلبكم  
ليه حرمتونا من بعضنا  
وسرقتوا مننا فرحنا  
وسكنتم الحزن قلبنا  
كنت بشوف الفرحة في عيونكم  
لما بتشوفوا دمعا  
وبترقصوا على حزننا  
كنا فاكرينكم ناسنا وأهلنا  
وإحنا منكم وأنتم مننا  
عملنا إيه فيكم إيه ذنبنا  
تفرقونا وتحرمونا من بعضنا

عاوزين تموت الحب في قلبنا  
مهما فعلتم راح يعيش حبنا  
رغم عذاب البعد  
وشوقنا لبعضنا  
أصل حبنا غريب عنكم  
أقوى من الكره اللي في قلبكم  
علشان كده باقول لكم  
الله يسمح لكم  
وينور بالحب قلبكم  
=====